



**Jus Canonicvm R.P. Pavli Laymanni, Soc: Jesu Theologi, Et  
Olim In Alma Et Episcopali Academia Dilingana SS.  
Canonum Ordinarii Professoris**

Juris Canonici A. R.P. Paulo Laymanno Societatis Jesu Theologo SS.  
Canonum In Alma, Catholica, Et Episcopali Universitate Dilingana  
Professore Qvondam Ordinario, Prælectionibus Academicis Illustrati

**Laymann, Paul**

**Dilingæ, 1673**

Capitvlm LIII. Pastoralis.

---

[urn:nbn:de:hbz:466:1-62587](#)

debet autem hoc specialiter & peculiariiter intelligi de appellatione extra judiciali, quae est prouocatio à causa, ut proinde talis appellatio tunc semper locum habere possit, cum superior per viam querelæ adiri potest, etiam circa omnem appellationem, sicuti Abb. hic docet n. 6. & exemplum habes in executore, item Episcopi Vicario seu Officiali, à quibus appellari non potest, & tamen locus est querelæ, seu supplicationi.

At verò in appellatione judiciali tametsi opus non sit vocem appellandi proferre, sed quis verbo aut facto voluntas appellandi exprimi possit, tamen necesse est Apostolos petere, & alia agere, quæ ad judicialem appellationem requiruntur, cum enim appellatio, quæ sit, facto aequiparetur, ac veluti succedat in locum appellationis, quæ sit per vocem *appello*, ideo eadem in illa seruari debent.

### CAPITVLVM LIII.

#### Pastoralis.

##### PARAPHRASIS.

Interrogatus fuit Innoc. III. si Princeps causam deleget remota appellatione, an solum frustanea appellatio inhibita censi debeat. Ad hoc Resp. Cum per appellationem frustaneam, etsi inhibita non sit, causa impediri non debeat, ideo quamlibet appellationem, quæ à jure expressè concessa non reperitur, remotam esse, nihilominus si is, qui appellare cupit, iniuste grauatus sit, grauamen istud per superiore tolli potest.

##### S V M M A R I V M .

1. *Dispositio quamvis odiosa aut exorbitans nunquam tam strictam interpretationem meretur, ut nihil operetur, aut verba eius frustanea & inutilia sint.*
2. *Licet clausula: remota appellatione: impedit effectum suspensum, non tamen impedit deuolutum.*
3. *Non obstante etiam eadem clausula recipienda est appellatio, quoiescunque in ju-*

*re aliquod factum pro grauamine agnosciatur.*

4. *In casu quo per privilegium, vel statutum appellatio adempta est, & notorium grauamen infertur, non quidem per viam appellationis, sed supplicationis, aut in integrum restitutionis, per superiore succurriri debet.*

**N**otandum I. Dispositio quamvis odiosa aut exorbitans, ideoque absolute loquendo strictam interpretationem mereatur, tamen non ita restringi, aut talem interpretationem sortiri debet, ut nihil operetur, aut verba frustra & inutiliter prolatæ sint. Ita sumitur ex cap. *Si sententia*. 16. *in fine. de sent. excom. in b. l. Si stipulatu. 10. ff. de verb. oblig. & tradit Abb. hic n. 2. Alex. n. 8.* quod verba dispositionis, si alioquin frustra posita essent, etiam ad impropriam significationem extendi debent. *arg. cit. 6. Si sententia. & Bald. in Rubr. C. de contrahend. empt. n. 9.* ait: quod non tantum clausula, sed etiam verba singula posita in contractu ita intelligi debent, ut frustra non sint, sed aliquid operentur, dummodò id fiat secundum naturam contractus, idque propter Regulam receptam: quod verba intelligi debent, secundum naturam actus & materiam subiectam.

**N**ot. II. Licet clausula *remota appellatione* impedit effectum appellationis suspensum, non tamen impedit deuolutum. Et habet id etiam locum, si jus ipsum præcipiat causam cognosci, remota appellatione, ut in c. *Inquisitionis*. 16. *de heret. in b. quod Episcopi & inquisitores in causa haeresis procedere debeant appellatione remota; nihilominus enim Archi Episcopus comparatione Episcopi, & multo magis Papa à reo interpellatus cognoscere potest de justitia processus & sententia, atque inhibere, ne ulterius procedatur ad executionem, c. Romana. 3. §. Si autem h. t. in b. Et docet Gl. in Clem. 1. verb. *Oneramus. de jure patron.* ubi ait: quod superior emendare debet, quæ malè acta sunt, attentata tamen à Judice inferiore non per viam nullitatis, sed per viam ordinariæ querelæ seu justitiae implor-*

implorationis renocari debent, teste Abb. ad Episcopum, c. 2. de consuetud. tamen sup-  
hic. n. 11.

Rationem dare debemus: Quia clausula: remota appellatione: rescriptis & statutis interdum apponitur, ut justitia non impediatur & protrahatur, ergo non debet tendere in finem oppositum videlicet ut in-  
justitia Iudicis per eam defendatur. Et idem  
ait Abb. hic. n. 12. sentendum esse de priuilegio, si aliquibus concessum sit, ne ab ipsis appellari possit, hoc enim Princeps con-  
dit, quia presumitur de justitia & industria priuilegiatorum juxta l. 1. C. de sententiis  
*Præfecti prætorio.* Si itaque appareat personam aliter procedere, quam justitia exigat, non est ratio, cur Superior grauamen reuo-  
care non debeat, saltem per viam ordinariae querelæ seu supplicationis, aut in integrum restitutionis, ut videre licet apud *Alexand.*  
hic. n. 40.

Not. III. Quotiescumque in jure ali-  
quod factum, seu aliquis processus pro gra-  
uamine agnoscitur, à quo justè appellari  
possit, tunc appellatio recipienda est, non  
obstante quod causa ab homine, aut à jure  
commissa sit, remota appellatione. Ratio  
est: quia Superior causam committit remo-  
ta appellatione, qui existimat Iudicem pro-  
cessuum sine iniusto grauamine, alioquin  
ita committere non posset, si autem jura gra-  
uamen aliquod judicent esse iniustum, dum  
Iudex notoriè grauat, ideò cessat præ-  
sumptio, quæ pro Iudice habetur, & con-  
fert huc Regula tradita in gl. c. Ex conquest.  
10. verb. post appell. de restitus. spoliator. Tam-  
etsi causa commissa sit remota appellatione,  
tamen appellari posse, si grauamen notoriū sit.

Quod si verò per priuilegium l. Statutum  
appellatio adempta sit, & postea notorium  
grauamen inferatur non quidem per viam  
appellationis sed per viam supplicationis aut  
in integrum restitutionis, Superior succurre-  
re debet, teste gl. recepta in l. un. verb. non  
potest. ff. de offic. *Præfecti prætorio Alex.* hic  
n. 40. ubi aliud exemplum assert de Vicario  
Episcopi, tametsi ab eo appellari non possit

ad Episcopum, c. 2. de consuetud. tamen sup-  
plicari posse.

### I. Verùm.

Sæpè accedit, vt aliquis à iurisdictione or-  
dinarii Iudicis propter appellationem  
quoad certum articulum ad tempus exi-  
matur, idèò quæsitum est ex Innoc. III.  
si Episcopus. v. g. in Diccesanum suum  
excommunicationis sententiam proferat,  
Diccesanus autem ab ea appellebit, tan-  
quam irrationaliter lata sit, num Epi-  
scopi jurisdictione suspensa censeri de-  
beat ac veluti dormire, perinde, ac si an-  
te latam excommunicationem appellâ-  
set, an verò nihilominus eum denuntiare  
possit & interim ipsum Ecclesiasticis be-  
neficiis priuare.

Ad hoc Resp. Innoc. III. Cum excommu-  
nicatio executionem secum trahat & ex-  
communicatus per denuntiationem plu-  
s non ligetur, idèò excommunicatus, non  
obstante appellatione sua, denuntiari po-  
test, vt ab aliis vitetur. Insuper Ecclesia-  
stici reditus meritò subtrahuntur illi, cui  
Ecclesiæ communicatio interdicta est.

### S V M M A R I V M.

1. *Appellatio causam non omnino subtrahit jurisdictioni judicis à quo, sed suspendit & quasi dormire facit.*
2. *Excommunicatio lata ab homine non suspenditur per appellationem.*
3. *Appellatio interposita ante latam excommunicationem aliāmne censuram parie effectum suspensum, nec valida est censura, nisi appellatio manifeste friuola sit.*
4. *In dubio an friuola sit appellatio. si iudex eam pro friuola habens appellantem excommunicet, ille autem in appellatione persistat, excommunicatio nihilominus secundum se statim valet, aut non valet, quoad nos verò pendet à secutura senten-  
tia judicis de appellatione.*
5. *Si in hoc dubio interim appellans celebret bona fide, non est irregularis.*

aaa a

6. Index

6. *Judex qui hominem excommunicauit post appellationem intra decendum interpositam, potest eundem denuntiare.*
7. *Excommunicato in excommunicatione persistenti fructus beneficiorum subtrahendi sunt.*
8. *Excommunicatio virtualiter in se continet suspensionem ab officio, & beneficio, saltem quoad forum externum.*

**N**ot. I. Appellatio causam non oratione subtrahit jurisdictioni Iudicis à Quo, sed suspendit & quasi dormire facit, quia in certis casibus ad eum reuerti & resuscitari potest. c. Si à Judice. 10. h. t. in 6.

Not. II. Excommunicatio lata ab homine non suspenditur per appellationem, quia excommunicatio & omnis propriè dicta censura executionem latæ sententiae secum trahit, vt docui in c. Ad hac. 37. h. tit.

Not. III. Appellatio interposita antelatam excommunicationem aliámue censuram parit effectum suspensuum, ita vt censura postea lata non valeat. c. Ad presentiam. h. t. Vbi exceptionem attuli, nisi appellatio manifestè friuola sit, tum Iudicem procedere posse ad contumacem excommunicandum.

Sed quid si dubium sit, friuolane appellatio censeri debeat, quia Iudex pro friuola eam habens, ideo hominem excommunicat, ipse autem in appellatione sua persistit, estne interim excommunicatus & irregularis si celebret, donec Iudex ad quem causam definiat.

Ad 1. quæsitum. Resp. Cum gl. h. c. verb. excommunicatio secum. Quod excommunicatio quo ad se statim aut valet aut non valet, sicuti expressit gl. in c. Venerabilibus. 7. de sent. excom. in 6. verb. appellatum. At verò quoad nos incertum est & pendens à futuro eventu, si enim Iudex ad quem judicauit appellationem fuisse friuolā, apparebit excommunicationem fuisse validam, si autem appellationem probabilem se rationabilem judicauit, apparebit, excommunicationem irritam fuisse.

Corollarium. Si Iudex post interpositionem appellationem tanquam ea friuola sit, hominem excommunicauit, non debet denuntiatio eius fieri in casu isto, quo rationabiliter dubitatur, num excommunicatio valeat, nec ne; quandoquidem secundum Canonem à fidelibus vitari aliquis non debet, nisi constet aliquem excommunicatum esse, in proposito autem casu res dubia est, vt ponimus, ergo &c.

Verum per accidens & propter scandolum, ne fideles superioris sui præceptum contemnere videantur, in publico vitare debebunt, saltem donec superior, ad quem appellatum, appellationem receperit, & hoc ipso causam dubiam judicarit.

Ad alterum Resp. Si talis interim bona fide celebret, non est irregularis censendus, tametsi Iudex ad quem postea judicauerit appellationem friuolam fuisse & excommunicationem valuisse, ita Nanarr. in man. c. 23. n. 104. Anula de censur. p. 2. c. 5. D. 5. d. 12. gloss. in c. solet. verb. in officiis. de sent. excom. in 6. Nam irregularitas hæc censetur veluti pœna, cum prouenire debeat ex peccato, videlicet illicita celebratione, seu censuræ violatione, cum itaque homo ille non peccarit celebrando, non potest censari irregularis, quod verò gloss. hic verb. secum trahit, exinde infert, si eiusmodi homini interim conferatur beneficium, collationem validam fore, tametsi Index postea definiat excommunicatum fuisse. Hoc dictum reprobari debet, teste Imol. h. c. n. 7. & docui l. i. tr. s. p. 2. c. 2. n. 7. Quia licet talis collatio irrita non sit, tanquam facta irregulari, irrita tamen est, tanquam facta excommunicato, etenim discriminem est inter irregularitatem & collationem beneficii, quod irregularitas ista ex culpa pendeat, at verò vis collationis pendeat ex facto secundum se, quia excommunicatus etsi ignoret se excommunicatum, beneficium incapax est.

Id denique addo, quod attinet ad irregularitatem, discriminem esse, num appellatione antecesserit censuram, an secura sit: nam in primo casu præsumptio est pro appellante, argumento, c. dilectus. 15. h. t. Et ideo si celebret

celebret post latam censuram, in dubio censi-  
feri potest bona fide celebrasse, ideoque  
non irregularis; at verò in posteriore casu,  
si videlicet post latam censuram appellat,  
præsumptio est contra eum propter Iudi-  
cis sententiam, & ideo si Index ad quem  
contra illum prouinciauerit, censeri debet  
irregularis. Quamuis in foro conscientiæ  
revera non sit irregularis, si bona fide pro-  
cessit, sicut & vice versa in priore casu, si  
mala fide & fruolè ante latam censuram  
appellarat, postea celebrando irregularita-  
tem re ipsa contrahit, licet in foro externo, si  
mala eius fides non appareat, pro irregulari  
non habeatur, sicut Auila loco citato no-  
tauit.

6 Not. I V. Judex, qui hominem excom-  
municauit, non obstante appellatione  
postea intra 10. dies secuta, eundem de-  
nuntiare potest, ratio datur in textu; quia  
Index hominem denuntiando plus non li-  
gat, sed jam ligatum ostendit ac promul-  
gat.

Hac considerata ratione *Nauarr. in c.*  
*Cum contingat. de rescript. remed. 6. n. 8.*  
valde probabiliter docet post Extraugant.  
Constantiens. hodie semper appellari pos-  
se ab excommunicatione (ea dempta quæ  
ob sacrilegam Clerici percussionem incur-  
sa est) ad eum finem, ut Index à denuntia-  
tione abstinere debeat, si appellans causam  
non fruolam afferat, sed talem, quæ si pro-  
bata sit, legitima censeatur. Ratio est,  
quia per denuntiationem nouum excom-  
municato grauamen & ligamen infertur, ut  
videlicet ab aliis vitandus sit, quamvis hanc  
exceptionem non admittat *Suar. de censur.*  
*D. 3. in fine.*

7 Not. V. Excommunicato, dum in ex-  
communicatione persistit, fructus benefi-  
ciorum subtrahendi sunt; nam fructus dan-  
tur propter officium, cum itaque excom-  
municato officium suum interdictum sit,  
consequens est, ut etiam fructus eidem au-  
ferendi sint. Accedit quod Ecclesia cum  
fructibus beneficiorum suorum dignum  
non judicat, quem à communione sua ex-  
cludit.

Exinde collige, quod excommunicatio  
virtualiter in se contineat suspensionem non  
tantum ab officio, sed etiam à beneficiis, sal-  
tem quoad externum forum; num autem  
in conscientiæ foro excommunicatus ante  
Iudicis sententiam fructus beneficiorum  
restituere teneatur, dixi lib. 1. tratt. 5. p. 2.  
q. 2.

## CAPITULUM LIV.

### Sollicitudinem.

#### PARAPHRASIS.

Cum duo Diocesani coram Episcopo suo  
contenderent, unuorum ad Papam ap-  
pellauit, sed Episcopus appellationem  
fruolam censens, nihilominus procede-  
re voluit, & tenitentem, tanquam con-  
tumax sit, excommunicauit, is postea  
à Metropolitano petit justitiam sibi ad-  
ministrari, atque in eum statim causam  
reduci, in quo erat tempore appellatio-  
nis, videlicet denuntiare se ab excom-  
municatione liberum; interim verò pro-  
testatus fuit, quod per hoc appellationi  
suæ quam ad Pontificem interposuerat,  
renuntiare non intenderet, sed eam pro-  
sequi vellet.

Circa hunc casum quæsitum est ex Innoc.  
III. num Metropolitanus de hac quere-  
la ad se delata cognoscere possit; deinde  
si in hoc casu Episcopus appellauerit,  
ne contra ipsum sententia & denuntiatio  
feratur, num appellationi Metropolita-  
nus deferre debeat.

Resp. Pontifex, quod Metropolitanus de  
excommunicatione validane sit, an ir-  
rita, cognoscere non possit, cum id pen-  
deat ex causa appellationis, eisque con-  
nexum sit, quare sicuti de ipsa causa ap-  
pellationis ad Pontificem interposita in-  
tromittere se non potest, ita nec de con-  
nexis, quod si itaque Metropolitanus  
in hoc casu cognoscere aggrediatur, Epi-  
scopus appellate potest. Horum ratio est,  
quia eiusdem Iudicis officium est, atten-  
tata reuocare, qui de causa appellationis

a a a a 2

cogno-